

VVM-rapportip akuerineqanngilluinnarnissaa neriuutiginaqaaq piianiarnerullu unitsinneqavinnissaa kissaatiginaqaluni makku ilaatigut pequtigalugit:

Mingutsitsinermut tunngasut:

1. Mingutsitsinermut tunngasut sukumiisumik rapportimi sammineqanngillat tassungalu sammisortaminera kusassagaangaarsimasutut isikkoqarluni, piianiartullu taakualu siunnersortaasa Nunatsinni silap pissusaanik sineriatsinnilu sarfap ingerlaarneranik ilisimaattussusermik aamma tungaveqarsimagunarluni.
2. Piaanermi pujoralaat radioaktivimik akoqarluartussaammata erngerluni tatsit imeqarfiit eqqorneqartussaasapput, piianiartut qanorluuniit ilioraluarunik pinngitsoortissinnaangisaanik anorersuaqqajaasarnera eqqarsaatigalugu, piiaffissarlu illoqarfimmut qanitsuarsuummat illoqarfimmi innuttaasut peqqissusaanut erngerluni aamma sunnuteqalersussaasalluni. Anorersuaqqajaanera eqqarsaatigalugu pujoralaat uummassusilinnut naasoqassutsimullu ulorianarlunnartut sumorsuaq siaruapallassinnaapput, tamannalu nunamilu inuunuteqartunut sunnuteqarnerluttussaasalluni aamma kujataani uummasuuteqarnermik nunalerinermillu inuutissarsiuteqartut eqqarsaatigalugit.
3. Taseq sinnikunik radioaktivinik ulikkaartunik eqqaaviginiagaat tatigisassaangilluinnarpoq, imeq sukkulluuniit ingerlaffissarsiortarmat, taamaalillunilu mingutsitsineq innuttaasunut navianarlunnartoq siaruapallassinnaalluni. Sapusiassap ukiuni tusintilinni innarlernani ataanarsinnaanera uppersaateqanngilaq qularnangaarlunilu.
4. Piiafimmi qaartitsisarnermi assaaneruilu pujoralanngooq teqqalanissaat pingitsoortinniarniarlugu imerujussuaq atorlugu seqqitaassutitigineqassaaq, seqqitaatikup kangerlummut ulloq unnuarlu ukiuni 37-ni kuutiinarniarneqarnera akuerisassaangiivissutut isumaqarnarpoq, kuutitassap akuutissanik akoqartussaasammat imaani uummassusilinnut tamanut navianarlunnartumik, imaani inuussutissarsiorteqartunut sunngiffinilu tapertaralugu aalisartartunut pinialuttartunullu sunnuteqarnerluttussaasalluni, sarfartoqigattalu kuutitaq taana erngerluni sineriammut siammaatussaasalluni, nalunngilarput sikorsuit avannamut qanoq sukkatigisartut aanissami tungaanut, taanalu imeq aattussaanginnami sulii avannamut ingerlaanartussaasalluni.
5. Pujoralaat radioaktivimik akoqarluartut qanoq sersersuarmut sunnuteqarsinnaanerat misissorneqarsimagunannilaq, kisiat ilisimavarput sersersuaq aakiartorusaartoq sersersuarmilu taserpassuaqalersitsisimalluni, serserpi aanerani imeq pinngortoq sineriammut kuuppoq, piiafimmillu kangerlummut kuutitassarsuaq peqatigalugu sineriammut siaruattussaasalluni.
6. Piiafimmiit pujoralaat radioaktivitaqarluartut teqqarluatik siammarnesisigut ukiorpassuarni nunalerinermik uummasuuterqarnermillu inerisaasimagaluarnerput, nunarsuarmioqatitsinnullu sersersuup killingani taamatut inuutissarsiuteqarnerput tanngassimaarutigalugu nittarsaassutigisarput, tassungalu suliffeqarfiit attuumassuteqarluartut suujunnaarsinneqariataarsinnaapput.

7. Nunatsinni inooriaaserput asiliarluni pilisarnerup tammarluinnarnissaa ilimagimagisariaqarpoq, kangerlummut kuutsitassarsuup nunamut imaanullu pujoralaat radioaktivimik akoqangaartut siaruarnerisigut, pingaartilluinnakkavut makku:

- Kuannerniartarnerit
- Paarnanik assigiingitsunik nuniagiattarnerit
- nunami naassartunik assigiingitsunut atugassanik katersisarnerit
- Ammasserisarnerit
- Sissami uillunik, eqqusanik, aapilattunik sullugitinillu katersisarnerit
- Nipisanniartarnerit
- Eqalunniartarnerit tamakkuninngalu pujoorisarnerit
- Assigiingitsunik aalisakkanik katersisarnerit
- Puisinik, arfernik assigiingitsunillu imaani timmissanik pinialuttarnerit
- Nunami aqisserniartarnerit, ukalerniartarnerit tutunniartarnerit umimmanniartarnerillu
- Unaasariartarnerit

Allallu soorlu kuunguani puinnarluni imertarnerit tamakkua tamaasa atorneqarunnaarpata inuiaqatigiinni assorsuaq kingunerlussaaq:

- Kulturitta ilarujussua tammassaaq
- Innuttaasut inuuniarnerminni tapertarilluagaat taamatullu inooriaasiat unissaaq/tammassaaq.
- Aalisarnermik inuuniuteqartut eqqugaanerluttorujussuusapput nunamilu suliffisuit sulisuilu ilanngullutik
- nunalerineq uummasuuteqarnerlu eqqarsaatigalugit toqoravik tassanilu sulisut allallu suliffeqarfiit kalluarneqartussaasapput matuinnarneqarsinnaallutillu.

Tamakku taakkartorneqartut annaasavagut ukiut 37-iinaat ingerlaneranni, Nunatsinnut akisuupilussuusassaaq, taartissaalu ukiumut Danmarkimiit tapiissutaasartunut ilanngaataasusaaq peereerlugu ukiumut ukiumut kr. 750 mill.-niinaasallutik, tamatumalu saniatigut piiiaaffikoq tamatumalu eqqaa mingutsinneqarujussuarnikoq ukiut arlaqarpallaangitsuinnarni piiianikuusuniit nakkutigineqartussaaq akisussaaffigilertussaasallutigu.

Allatut oqaatigalugu Kuannersuarni piiaanissaaq akuerisaasagaluarpat tananna Nunatsinni ajunaarnerujussuarmik kinguneqartussasaaq, tamannalu tunngavigalugu Kuannersuarni "sjældne jordartinik" uranimillu piianiarnerit akuersaarnanngilluinnarput.

Naaggaarluinnarneqarli

Inussiarnersumik inuulluaqqusillunga

Peter Hammeken
Løget Høj 15B, [1.th.](#)
7100 Vejle